

復莊駢儷文權

復莊駢儷文樞卷七

大梅山館集

鎮海姚燮 某伯甫

枕湖感舊詩小引

美人一別棄我歎居百憂紛來往誰與罄驚心時序涼
風已秋木葉隕堦積復盈寸仰眇天宇行雲不停孤雁
往來若覩儔侶厲物而感寸腑易摧雖有吟戈難追逝
日回憶春時聯袂開樽選花蕩醉龜以濃芬引清譚以
雛燕黃金賤而朱顏貴華燭短而綺夜長倏離羣於各
天嗟好夢之終寤忍說平原芳草已如衰鬢之蓬祇看
隔水青山亦似病睂之瘦矣

自題閒情詩卷

高城月斜荒邸夜寂篝燈熒熒殘夢未斷忽聞疏鐘遠
出鄰寺攬衣起立柳梢星稀露氣生草宿醒爲竦若有
棖觸清淚泫泫迴憶曩時招集俊侶買醉九市天芬龍
采箏柱鳳列選鐙佳夕佩遂綺春茗華舜英似不終隕
元晏重至衿淚猶在狹曲芳樹但多棲鳥大堤春枝已
禿故燕或斂影顙顙閉門索居鬢雲褪青眉黛爲結不
或大江萍絮迢迢不歸遠塢儻來消息茫昧墜懽罔拾
輒增唏噓爰述往游以寄宿感云

集南朝四史語寄陶存甫隱士牋

相見不數閒以江山嗟慨滿懷常遲曲寫僕懾性情懈
顧影單回資散石以全身寄性命以過日累千載而不
悟怨清香之難聞年世推移官官翳翳亦不似苟陳亢
管飾智驚愚通率任心志輸短效十旬九飯動轉聽人
俗路求榮情衰貌苦足下澄懷觀道藉素爲基絕唱高
蹤超然簡默每有會意高嘯閑軒撫琴動操賞託清勝
帳春霞於秀瀨席落英於層岵意眇殊常而旨態無極
履行所統非假僕一二談也阿五後來秀令足稱佳童
長門上林卿煙玉露才調流瞻氣韻天成實天下之奇
作摩顏膩理與謝眺相次短歌微吟乃追步惠連矣自

夜達曉不覺披盡藍田出玉豈虛也哉僕性不耐酒情
不耐雜如輕塵棲弱草看屋梁而著書改哀樂於須臾
非雅譽爲可恨閉門絕客傷無交往流風斂聲自爲慙
地棲邱歛谷已恨其晚託詩以怨才亦退矣年時一輩
零落相仍隨事俯仰豈成高策久妨清序觸事歷然延
首東雲水與天際當與足下敘生平舊款造席舒衿偕
訪薜蘿采拾空薄一錢尺布不以經懷著禮摺邊無所
營尙差得以栖貧自澹斷割候迎我不能爲徐甘木署
紙尾豈可爲張悅作西門客耶吹屑沸地捧海澆螢正
應置之度外自爾以來歲月過淹秋葉辭條飛鴻依

浦力作此答申寫所懷辭擇適情無復劑限

與秦悟梅牋

昨醉矣歸不解帶攬衿思睡金風氣涼瓦鐙燄短抵花
在几搖影素壁高梧出檐與竹戰聲輒復不寐而起卷
露臺之幕悄焉倚闌數銀河之疏星聽石砌之斷蛩殘
月東上流光散於蕙叢遠山西橫明翠拂乎煙杪知佳
人之何怨撫繁箏而未停使我悲生惻焉涕下秋士善
感矧在異鄉與晨雞續號露氣潛緊聊伏枕以休息竟
輾轉而達明偶得小詩塵諸左右且續昨讌以尋悅弗
使韶年如逝川也

與葉仲蘭書

夫春暘煦辰林鳥眾悅秋露厲夕莎蟲獨悲化以氣遷
感以時赴人之哀樂如是焉已僕匿影眇愉積心多疚
足不出巷每來黨人之疑門無駐車久乏通侯之顧瘦
骨一握如枯藤之倚壁伏枕匙寐類病鶴之警風幸免
乎蓬飛翫怨乎蠖詘蘿帶纏而漸弛蘭情委而不芳良
朋乖違山川脩阻縷肩以筆師抒鬱紆惟足下鑒諒之
以僕引娛少機警情無砭渫地難埽苔生牀下垢衣在
身蝨緣領閒亂書滿案塵積其上壞琴挂壁殍皆下墜
以此窮居亦復奚適閒或覩景尋趣得句自憇斷不成

幅過時輒忘新釀偶斟蓼味沈辣易發宿疾未數多御
弟妹俱暇聊爲博錢之嬉風雨不姓並絕巢燕之會仰
視屋脊咄嗟奈何輒思囊鉞卷襪丐食他方又恐王孫
飢遇仲宣罔依不爲伍胥攜吳市之簾卽爲馬周困新
豐之店矧赤浪相駭久怯夢於大江白頭在堂難委任
於弱婦輒又思離家謝俗空山影韜自勞薪汲尚友巢
許援狝堪役拾橡以代糧石屋可栖塞雲以作戶老莊
而外不置雜編登臨告倦眠藉芳草吐茹元氣佚宕天
游所計亦非左也然且未能焉卽欲與足下申新約續
舊懽詠史鶴皋之樓建社枕湖之舍上賓沓至佳日無

負充牣者花竹列筵者罍樽抒我醉憤揜袖拓將軍之
戟寫子幽怨側帽搗美人之箏千秋在胸睥睨上下奇
語驚座搜索鬼神而今亦未能也家累牽率若繼繫囚
誰來投賣文之錢難復書乞米之帖幸獲升斗全家咲
顏或絕炊煙鄰子避匿因思莖芻豢駿方騰足於太行
割肉飼鷹斯狎舉於霄漢不然牢騷屈子空搔首而問
天抑塞王郎徒拔劍而斫地也如足下者今之孟嘗則
又僕之鮑叔也屢蒙曲慰用是直陳霉暑交蒸諸希善

衛

與厲心甫書

睽面五旬盼駕若渴明月再滿桃花已開青鯪上庖勝
於河豚之肥紫筍可蒞佐以山韭之嫩專俟足下來共
飫之昨晤文郎說堂方知孱體違和滄滯彌月飲藥代
飫俗夢度春且云沈痼漸蠲清虛將復差可支枕腕坐
捫壁手行矣僕以爲否泰之交消長所繫尤宜萬千珍
重無事過勞也惟昨江干判襪風雪正饕奇寒砭肌手
顫口噤迺投市店擁裘向爐餽飫芬蒸下之以酒始覺
支體迴煖出門步強潮已到關長年來促高颿如馬大
江如磧不及眴時已轉山隘於時上下一白天無鳥飛
犇濤之聲鼓激雷駭君之在舟得毋略焉而委神懼焉

而蕩鬼乎夫以羣蝨伏蟄螭神赴饗之日而猶爲升斗之謀躑躅中路未獲田園早返與家人婦子煨榾柮析脫粟煮芋羹團坐笑言以樂晏歲泊乎臘之二十有八日然後知王愷之門罔破阮藉之途已窮始不得已冒鯨呿鰲擲之危衝蛟門螺山之嶮渡二百里海而東歸則足下疾疢之嬰始有自也自送足下行僕亦以愁城在圍債臺未築左肘右掣前衿後持脫相如之裘質於酒家牽伯樂之馬粥於屠市乃得摒擋冗俗優閒自娛因而續昌黎送竊之文循浪仙祭詩之例和東坡餞歲之篇然已艱且憊矣始入元正天始展悅東鄰諸女來

闕我門西牆初梅先索余笋六合之氣達沈悶爲熅熏
萬象之容變慘鬱爲暉粹方謂足下歛煦消翳揭蒙導
澂晨興鎖山夕策碇阜披彤雲之麗霽謁蓬萊之仙人
玉頤漆髯已換凡骨而云受殘於鮭蠶遭困於彭尸又
豈僕之所及料耶然則草堂椒檠屠蘇人日之酒花市
香霧太平上元之鐙足下竝未與此樂也茲惟同儕之
朋引領延伫有時閔歔以燭繼晷或出東郊選林聽鸞
使君不來興減於簪再餘十日又屆上巳脩禊時矣華
山之雲儻停永和之風可繼足下於此時亦當棄杖加
健御祫知輕期尹喜之蚤逢披函關而西笑斜日易逝

母令燕子怨人薜蘿正芳忍使美人盼汝也用寄魚牋
聊申蘭約山窗茗熟或可當陳孔璋之檄杜子美之詩
讀之光采善蓄無俟諄諄翹足城闌心隨雁遠而已

方味笙別駕繫春圖詩序

味笙別駕清才古漪韶質初鄂五玉鍊藏十酒醉懷平
子組愁文通歆恨若有所感玉簫之環無能遽忘明月
之曲偕我節拍傳其麗脩想當天娛抗龢林芳流煦薄
冷搗夢疏香竦翬擷烟蘅以紉裳翦露櫻而結佩翠和
不繡狸奴上几麝脐一拂鼠姑撲衿桃屑如麝暈之膩
柳胎奪眉痕之妍斯真寸隱纏冶抗衡妖嬈綺齡琢媚

弁髦山女者矣夫其心盟冰皎目成天隔蕩淚漂枕怨
啼怯銍芙蓉已秋鴛鴦在鍛紅葉有字不流入閒之波
銀河無梁易竭須者之淚昔日兩小後情千秋絮果縈
之塵蘭因闕諸谷青鳥之書長絕綠陰之子已多再世
猜違半生凋瘵亦可感已嗟乎靈岡鸚鵡連理蘋桐之
枝遙夜嬋媛四窳紅蘇之帳想亦腰如卿痠病以春苦
繫壹鬱於青紉託姚嬈於勾藥迺緣心追貽感事述文
挂幃索鬢量絲綰帶輕鸞妹子有此麗妹純狐夫人得
毋岑宋誰攜祕橐裏蘭臺夢尾之雲儻捻靈旂闌羅浮
花心之翠聊志稷略用綴詩辭

張廣文妻項孺人補綻圖序

有揚裾炫袞颺纒自娛者藻翹飾纓芳衿襲茜以爲珠
冠八寶可擷俺苔之妻華襦一襲足抗香塵之女假裝
夸麗緣冶示莊誠未足表閭則也或復鑒彼奢靡矯枉
迴中黑黹滿衽窮袴百衲女蘿山帶下垂不齊篲衣翠
綃綉無纂甘鄙情昧整修又婦德之難問者永嘉張
栢堂先生以補綻圖索余序蓋爲其妻項孺人作也孺
人璇水濯慧蘭漪稟芬飾性過容內密且緻敏巧苦綴
外順惟柔迨敦結褵之禮允叶贈佩之好然而揚朴有
耦飼櫟非甘王迪之婦出山易悴鵲翼其折鵲夢忽乘

舉潘岳之幃夕月照鬢炊張贍之曰秋霜滿衣女紅寒
暑未酬簪勞毫素纏綿徒託今感亦吁可慨已想其煙
桑息汲露裊罷春劑刀有聲鉗鉏初熟亂結鶉解敗絮
蝨爬疏密量鍼句弭酌尺蠲星圪泊紉襪分滕破碎襖
襠縫襖就襖密篝膏短尙捫緯籠春河水香時照澣影
迴黃轉綠漫唱休洗紅之句天吳紫鳳爲吟在襖褐之
詩豈徒凜嫵嬉躬劬瘁者吾知羅軫善相婉嫵因愆彬
彬乎王韞秀郭主之流亞也嗟平衣縣尙煖手綫猶存
落葉莽乎其秋海雲鬱而不散先生於此寤寐矍陽肝
附痺攣叩鏡詰愁招蜚替淚蒿牀冷蓐未堪呼母之啼

瑣几涼鐙誰復授兒之讀縱使舊機灰爛遺筐塵揜終
難諉太上忘情而使管彤失紀者且夫相看柳色劉元
素以之神傷莫衣蘆花鄧公輔因而涕下乃食貧半世
指繭早枯弔影虛堂杼聲長絕賴是圖作姘嫖之資爲
巾幗之誡他年賢婦姑德可師今之淑媛風世曷媿碩
壘未遐或少慰已

須曼羅室圖後序

次柳公子以少俠之玉年匿情僊之珠想佩劍盈握不
輕示人清酒滿槽但愁無客倦游湖海歸葺軒楹畱地
種苔分石倚樹高牖嫌空補以遠山方沼不塵拭之新

次琴簟晨拂鷺來蹴弭畫帳夕巫花解畱夢圖左史右
古靈宅於一堂宋挈梁提綺想眇乎六代惟清福兼豔
福以學人爲才人須曼羅室之圖用是作已繫惟人生
一世稱意爲難嚙呪之輩動作汎剽跡弛者流與俗無
好天未投目枯絀身自冒於罟汕食息弓疑妻孥疣贅
烏足以斯理語者若公子烹禪飢寂養道割腴履分以
毓躬抱化以存氣竹鑪靜麝裊爲吉祥之雲梧崦高蟾
闢作員明之鏡得大解脫看梅子熟參無上乘間木犀
香蜨蠶怨癡視之以平等天海寥汗納之以纖芥靈芬
啞而蓮華墮舌元偈說而鸚鵡揚眉出繭卽蜚食泥是

蚓知妙非妙不空迺空可謂葆液以棄膚排虛而掇實者矣僕也浮浮域物蠢蠢溷學維摩滯病思插肝於荒山蘇晉閉齋祇樹神於枯木以視君通澈之證有不啻惘悟之分者真誤槩裁相期磐荷宏斯慧業定爲龍樹佛所徒斷我塵根來申虎溪游之約

寒松廬餞春記

是夕氣暄不幕風和宜裕醪醺未褪牡丹已慵鐙樹銜龍靈麻百挺簫局鏐鳳角沈九焙萱藻之色如漪人氣之蒸若霧絳鞞瑀佩珊巾纓影密座鏤屏俊待玉塵五陵其俠六朝其才澤澤然溟溟然者有佳客媚眼含睇

羽眉轉黛葩在露後燕方乳初玉釵四叢畫烏兩行纒
纒然珊珊然者有妙姬未央角觥天寶半仙元鶴惟翔
幽蘭與儷翠髮頰豔青衣婉童姝姝然裔裔然者有樂
部春鶯煙隙蹴踏柳枝游絲空中搖曳花片清昶而繚
眇者其詞珠瀦瀦胷一吐重采玉餌在掌遠聞棗香渾
殺而衍溢者其歎一刻之直奚止千金窮愁之中忽有
此樂蜨飛無宿雞唱不知拾其賸華能生黯室之光駐
其闌響可喧一日之豢結覽飢宴抗鬼蕩覓南皮西園
匙此流憩已

養閒草堂記

匿衿索居一靜可幻羣響息燭岑坐寸心能驚八荒閒
者擾之萌亦動之朕也或謂手斲天下在蠡隱中氣涵
百靈自雖伏始其夸矣竟以爲元牝谷神中老聃抱一
之旨陰符陽火契伯陽參同之辭又其誕者今夫風不
與雲約蓼蓼之天容與之花不與鳥期縕縕之春蔭煦
之人不與世暱斯其神澂意不與事膠斯其氣定氣定
則如水之平神澂則如月之炯是之謂至閒月炯而不
暖乎翳水平而不綺乎瀾是之謂眞養此玉泉潘君之
所以名其堂歟夫以玉泉具少年才名爲宰相公子數
儻易者易銘恬繆者難而使炫目於嬰邀目於媚酒肺

腸於蠱狗支體於迷宴游敗獵頡頏五陵狗馬聲色組
織六代安問百年晷短白紵皆籬露之聲一夜飄生青
山非喬松之宅乃避俗恐浼甯爲粉黛而不爲漆光存
我以眞甯爲蛩蟄而不爲螳鬪吾知筦之樞之元素以
儲之紺之謐之權輿以息之日月昧習上倪之肇罔蒙
奧交清明飛塵之點可數安也持以止暇也受以舒留
也蕩以虛曠也遵以密四者備於是拙無失晦無悔不
爲楫櫓之舍異於芻蕘之豢登斯堂者空洞無埃俯仰
匙跼初苔晨縛鶴來坐階脩篁晚妍蟾恰當戶爐麝不
蒸簾裏吉祥之煙壁琴未弭梁有太古之響不知爲莊

焉知爲胡菜無所爲神何所爲影形栩栩遽遽融融裔裔纏乎其懷而芾乎其輶也雖然質之岡培者傾其茁念之弗闕者遯其幾易辭言成性之存大學云君子之獨玉泉其勉乎哉

誥贈恭人鮑母程太恭人墓表

變旣爲朝議公銘其墓惟嗣君頌壘繼有詩曰吾母程太恭人不附葬公塋別於祖山構幽窆宜特表之恭人姓程氏徽之歙縣人國學生槐塘公女也工習箴紉性賦嫺窈髫不雲鬢服之澣絺伊川水激川誕其秀翼畦風古求筮曰貞其歸於朝議大夫候選布政司理問穀

堂鮑公結褵旣行附蘿得所誰爲蹇脩增嫺嫺之企羨
是真佳婦動君明之稱揚簪蒿杖藜實佐君子束衿整
纓用式妯娒無何貝錦襲斐倏來內讒菅蒯蕉萃岡白
中惘闇有豹踞類歌狸之屈平鍛不鳳憐等賦鵬之賈
誼恭人之隱遂以惻焉恭人之德益自厲已舉巾雪涕
蹈履皆冰罔之危焚香熱心衾影來天日之鑒維時朝
議公帶鬻離柵遷引別幃望雲遠山繫夢寸暉之艸撫
綫塵袂愴懷背堂之慧賴有孟光之賢克肩萊子之任
而恭人翦髮自咽抒葵益誠繹人義之怨慕孳姆教之
婉婉伺顏防拂忍淚竭懼怯弓繳之暗彈援鬼神以私

顙無何其太姑汪太恭人內受時旨外違體和沈冥伏
隅疇問養攝而恭人勞不形怨倦不交睫衣帶黧弛於
夕櫛沐罔事於辰參苓親嘗慮溫涼之未適醴醢手奉
虞甘酸之失調太母之疾尋愈而恭人之傷已中矣於
虛明月之鏡蝕於霜夜季蘭之姿彫以秋風素軒旌颺
灑衿霰者咸悼鄰春巷輟聞籬露者其悽徹爾瑟琴嗟
哉襦匣川原長翳參商永乖堂上白頭感憶彌甚謂婦
賢若此生未享一日之恬愉而遽遭中折其眞門祚之
衰薄乎抑亦諒之不蚤已恭人之生以某年月日卒以
某年月日享年若干歲生子三長玉堂候選布政司理

問次恩祺廩貢生次頌堦國學生而恭人卽以其子貴
抑聞恭人之壺德徽扇筐篋則守總竿待人得初蕙之
芬御下如微颺之盜而忍使孤弭在御成單鵠之聲弱
翅啼飢戢雛烏之影生稱賢孝浸涕嫺親芭舞空招而
總堂永閉已明星在漢雁自長綳封隧有楸塢毋萃止
爰爲之銘曰

曷取嫺目而曼睵也曷尙姁顏而郁鬱也抒素惟中植
靜以穆脩迺媿媿訾彼嫺嫺饋無攸遂曰相我良人惟
雞鳴起曰事我二親性靚無炫儀恬克恂鳩采規度鶴
矯冠羣燕啄撓之下石於井蠶蛻蠱之蒙霧於嶺惟括

省度在寐亦耿罔蹈厥愆何慮乎瘠白髮皤皤祝噎杖
安味蓮持苦齧梅忍酸守道盡道循分操端婦之曾參
女之丁蘭電光一瞥流何疾耶大江淼茫去何急耶一
坏松楸恆此原隰陰爾孫曾若呼在吸表常山主誅胡
夫人曠古垂例貞此幽文

議敍鹽課司提舉邱府君墓表

輪翮可千里不縮朒者疆才表襮以質素無僣愆者肫
行或有葩馨林閼玉采川韜大通無爽實慨望而趨之
是資乎刊述府君諱維琮字淳甫一字竹筠浙江鄞縣
東隘人爲營邱之遠支推淇國之上裔祖諱左思妣王

氏父諱世惠妣周氏二世以府君議敍銜贈如例靈枝
神緒懿爾闕焉府君童而游綴饋古得腴扇蘭風以濯
襟挹藻露以被鞶目藐鷗雀恥徇末師思爲王處仲伏
櫪之悲迺矢馮敬通凌雲之志時其兄才羈百越務綱
三端而府君懷鵠飛於各天嗟鳴守之奚鬻敢辭艱於
蒙觸俾罔濟於廉貧因之聽祖述之雞秣處父之馬足
箭飛鵠手磨靈羊娥眉晴雪撲巾似雲芙蓉悽猿送夢
出峽時英都尉吉王太守忠肅宦粵中奇府君才延諸
幕府願埽徐孺子七尺之榻不浸庾景行兩蹠之泥惟
府君破觚斲珞秩誼平律心生於歿毒愼五至身靖其

擾賦蠲九苛更通制榷盆鹵之經以籌中上米豆之納俾錢少府得左右手而韋參軍眞帷幄才已在晉公信令越長於治劇山甫使淮忠實是勵洸洸祖式府君繼焉惜其下抑罔與曾展嘗作書誠子弟曰吾家以孝友宅基以忠正濬後不洗厯於微曷由充善於大不操醇於已曷由懲駸於人斯言類箴允衍世福慕親翁昆尤無閒稱於里鄙焉以道光三年六月初三日卒於欽州鹽務局距生年爲乾隆三十二年閏七月初五日享年五十有七歲嗚呼天涯亭遠西風摧敗柳之聲十萬山空冷月凍淒鴟之鬼慨思遺耆能不涕霑德可揚誼敢

辭泚筆府君生子三長在池次鳳誥元配林宜人出三
丙榮繼配朱宜人出府君以議敘得鹽課司提舉銜縱
德耀抱節無齊琴按之伯鸞幸虎之而下有發械箱之
元魯歸葬於某村之阡弗滲弗歆惟貞而吉雙流雨水
繚因隧以毓華他日廬陵續瀧岡以樹表

議敘邑訓導王君墓表

道光二十有八年二月十有三日議敘邑訓導王君卒
卒之年五十有一也苑秘乏更生之術蓬顆有歸神之
期元首朱華戚鄒幅抑其子蒔蘭等楸枏咨視苫席肯
心卜兆宅於某山之原行將發素軒啟松嶠矣第君之

行狀來以表碣之辭請憶歲丙戌寶應朱文定公視學
至吾甬變與君同補弟子員未識君後獲與君之子交
媿婉衡闡衿抱兩世誼難辭也君諱立誠字元甫一字
一齋象山縣人世居縣之白巖方前村河汾隱廬守有
十二策之書太原門第冠乎廿一望之族曾祖諱景唐
祖諱承法妣氏何考諱思九妣氏歐外不殯名植柢自
厚髦姑弱婦丛以節聞君生不旬歲庭椿景凋子然始
孩係重鈞石君祖妣氏何孺人與君母歐孺人迭躬擁
樹愛慰鎔膺蓋何孺人鑒前此族賢藐法曾覲厚藏甘
飢苦訐幾遭鴟毀僅此強葆縷延墜緒不恤散財以平

眾軋逮君稚年知節秀髮植慧君母引繩督教一如嚴
師懲爲劉井州之福殘勉效嚴河南之仁愛百閱劬瘁
始底於成童迺束楮毫就業於外傳揚推六緯圭臬九
師饜飫優柔以務宣達旣肄黌序名重薦紳張皓之孝
弟無閒鄉閭宋穎之博通可資教化居恆殉業尤在近
思錄一書審的先賢高淑守道斂璞采以夕月發蘭薰
於空山列儒者之林愜茂材之選君無惡已不騖熱場
謝趨秋賦以議敘得縣學訓導亦辭職不居惟恪遵兩
節母之訓悽悽秉善周恤族鄰儲困劑荒授緡起糞忱
迫之于慚萌盜金之心蓬屋之嫠得舉夜績之火桑梓

惓惓嘉誦其行聞咎補之薦爲丞而不出亦有彥方化
里巷爲善人桀桀家風實承實亢其事兩節母盡力與
色神輝而顏怡然爲兩世母請旌於

朝建坊如例大母旣歿葬祭有經衰杖惟制歐孺人疾
君爲之舂扶搔親臉滌雖斤肉升米未嘗李君淵之境
而頭蓬體蝨已羸毛元禮之身君由是覓精泄橫相尋
鬱邑刺治苴效館舍遽捐可哀也君雅好諷吟藉抒幽
懷振彭姥之清籟步輞川之家體著有澹園詩草藏於
家澹園君之自號也配孺人氏黃操行高絜咸諒閭德
子二尙忠尙彬尙忠夏名蒔蘭縣庠生孫二有恂有懋

劉善明之後無弱范叔孫之裔必昌史氏所書可爲左
券用丹紉褐以表暉英於庠元陰下閣楸風颯蕭永猷
君子使我悵勞繁悵勞兮草補冥黃壚兮終古不暘脩
夜未抒沃觴之情邈矣卓蹤視此靈邱之樹

金檀水哀辭

吾友金君儷笙之子曰檀水年十九以病溫歿歿金君
恫焉欲喪卜子夏之明難任東門吳之達檀水名士璉
鎮海人齠志宅遠弱節樹清管惟常林今之樂廣涵古
窮版匱之袞摛文謝缶塵之蕪底於有成誰測所至無
何井丹遭售文舉構裁噪楊之鬼入堂蒼梧之鳥鳴屋

澶既味頽川之厭地禍將如延光之絕門逢元初巡醫
而舉室皆幸生直太歲刑冲而之子獸不祿宜金君恫
之也嗚呼何罪乎伯強驅花精以禡鼉不復見洗馬鏘
楚挽以妥黿爲之辭曰

耀丹華兮偈卒擣中心兮如晡嗟闕內兮六淫頓僚幽
兮翳浸疇安弄兮左琴閉七軫兮玉惜仰神孀兮譴瘖
厭沙酒兮祗弗靈嗟脩名兮能早胡令終兮罔考銷灼
約兮永淤儼乎溢兮天姣咎之降兮紫微今之逝兮九
葩翔太漠兮風颭颭窮所垠兮曷涯曷仇乎磋兮而膺
曷侶乎魑兮而殘父愍爾兮氣微沮兄惻汝兮心鞠輟

眾蘇兮孤殞檢遺文兮羅泯才之喪兮道之窘盍斷智
兮還惓陽旣離兮日月盡而謂金君之鬱悼兮猶結惓
其堪忍

與陳雲伯明府書

昨謁崇階獲見君子風骨俠樹喜元龍之無恙脩髯仙
影疑玉局之再生盈尺瑰辭久重文苑驚人閱議可補
世說不棄鄙陋備致照臨自非少游得蒙揚州守之賞
或以德祖能知臨淄侯之心用是錄近作駢體文二十
首上褻日游投拳曲而不慙求匠門以繩削乍來賜教
獎飾過情謂燮之所著可於近代胡袁洪彭以外別開

徑畦持西東漢至正之權砥南北朝日下之勢而縮無
地流汗交頤何敢何敢旣蒙誘導差喜十年宗守尙未
盡誣蠹測井闕願於先生前習瞰之夫基不自植門戶
之傍可羞也導川無源又溝澮之盈立涸也變少愚寡
師喜索沈悶縋辛辛空明之嶮摘靈壁猗玗之葩燭伯
陽天隋之幽挾於陵元眞之詭不元包不字不太元不
句不淮南不篇宋景濂所云摘與瘠碎與摘王子充所
云頗僻與穿鑿者始未免焉錮塞旣甚反而拓達游獵
乎老莊荀列賈董匡鑄以逮龍門扶風之所著歛息乎
屈宋班揚枚馬建安七子以及唐初四傑燕許諸公之

所誤頗能裁其舛駁辨其精醇及怵怵欲言吮毫凝思而又格格然腑膈填塞然肺阻而不能相入嗚乎學古之難蒙迺信之矣今得先生一言始謂養由基之臂尙勁許其挽六鈞弓溘于髡之醉能降不難容一石酒乎至所云胡袁洪彭四家信爲

昭代以來卓焉侔特焉桀者變以爲石筍之文以力勝小倉之文以氣勝卷施之文以度勝謨觴之文以格勝縱奇思於八埏搏壯采於萬彙石筍之文也或閒有鐫辭石鼓摹聲岫嶺而失之澀者揚日星之麗暉採山川之雲物小倉之文也或閒有賴祭漢唐藻績金石而失

之夸者風水激而漣漪生崑崙迴而苔蘚折卷施之文也或閒有流易不脩凡近不汰而失之剽者聶鼎不爭瓦缶優曇不競桃李謨觴之文也或閒有機尚縝密音鮮疏越而失之滯者惟茲四家皆善於學古者也振鐸陵替蔚然大宗猶不免於所失如此則甚矣其難也抑變又有說焉變嘗以駢儷之文自唐以還若宋若元若明非排比平通墨守制誥之體卽剪衍卑陋規撫公牘之辭雖友有雞羣之鶴棘晦之蘭然可稱顯門名家者實罕其侶逮乎

國朝白湖海樓陳氏而下流爲思綺林蕙善卷諸家之

觴已濫而不可爲訓洎四家作然後闢重岡之積莽開
九陌之通衢迴數世之狂瀾轉一時之風氣人稍稍知
兩漢六朝之學而於是鸞與皇諧奏主與璋竝敵時若
穀人之整綱如延年叔少之佚宕如彥昇容甫之幽雋
如景純蓉裳之脩潔如休文皋文之典正如長卿驛軒
之禮厚如子雲淵如之淵永如伯喈美初之通瞻如稚
川元淑之華映如明遠孟塗之閎辨如孟堅梅史之後
偉如孔璋方立之沈惻如安仁仲瞿之恣肆如賈生頻
迦之樸茂如孝綽律芳之豪爽如季重申耆之清邈如
叔夜而先生則以縣麗如文通者驂斬於其閒雖各執

一幟不能包括眾美集乎大成而彬彬焉或或焉乾嘉
以來已可謂瑜亮丛生尹邢同世矣彼夫堆沙砌石以
爲富攬丹墀綠以爲工飛空走滑以爲清畫醜雕嫵以
爲古儉色枯瞽以爲簡茶辭弛氣以爲和疾已中乎膏
盲術難施其鍼砭均之無取不足論也若變者內之膏
外之謫者也雖有志於羣壘以外別荆孤軍而學有所
未深才有所不及譬如戴笠人笠與舛舛爭榮攜市僧
刀偕干莫競利不特不自諒抑亦爲有識者嗤矣儻渡
以迷津之筏隨僱仝而上蓬瀛或引以指南之車免揚
失之悵歧路諸希明教竝恕狂言

答董蘊人書

蘊人足下臨渚判襪條屆六旬登城睠雲若渺千里光
響中構癖念與深領諷惠音始展餘悅邇以窮日眇侶
病居寬一沿階種篁不隔霉氣倚枕安銚惟領藥香動

輒違其故懽靜難愜夫素悵偶撿卷軸若蹈楊朱之岐
或抒嘯咏亦類蜩蟪之響欲發寸心之繚唳遠慰知己
此竊眇長曷勝沮怍夫銅山東崩洛鐘西應庶女告天
振風襲堂類以召通氣以感接也惟蒙與足下契合蘭
茝跡等夔炫夙慕裴延魏元同之風竟獲吳祐沙公穆
之遇回憶莎陰燭炮槐角酒酣子劍斫地歌王郎抑塞

之篇我巾蘸墨寫東坡槎牙之畫賢主人既不可多得
身外事亦忽與相忘而以僕趑趄履塵遵衢步蹇戴盆
未闕乎九緯翦翮惟戀乎一檐既不能廁承明金馬挾
淵雲之天藻又不能究天祿石渠師董賈之邈制兔園
株守關覽無多行自慙已足下積私成愛期許過深得
毋譬鈍鷹與鴛犬目之爲威鳳祥麟拾蕙以與硤硤珍
之若隨珠卞璧耶以足下辭妍思秘因物造端子儀之
軍可張一幟雍門之瑟詎媚眾聽縱不能陵甘泉跨靈
光亦足以襟謨觴帶石筍迺欲求跛子以引梯級乞盲
鑿以下鍼砭抑何味之甚也然足下又以爲雕蟲小技

壯夫不爲骯髒成文君子所恥思欲掇採千古槩準來
學援世說爲嚆矢傾譚輅之醞醢僕以爲牛溲馬勃功
不下乎參苓爾虎棘猴巧不離乎殍股不極王莽之膽
將冤元公爲不臣不諒靈均之心將愀比干以不智起
發乎膏肓癘疾遠之有公穀兩家神明乎比事屬辭近
亦有蘇方類志矯想崇繆納鑑空明成法具存足下當
必有取焉鄙識謏陋奚所貢疑名山事業壽世文章具
在比舉願其勉成之山川阻深有懷曷已勿曠縑素以
靳瓊琬時氣鬱蒸慎加衛攝

懺綺圖書後

天地一稊米目包性相用於無量恆河人身皆倮蟲也
幻正緣了於一漚空海自種欲有四而色適情之胚惟
實相有三而照爲寂之朕具夙根者智印因慧攝果殉
體以染不必虞而口孽之綺容未除焉始於迷惑繼以
悟超推迷而挽悟則惟懺爲緣起身懺顯心懺微滌之
有漸功斷之有頓力持憂畢义之想遏鉢和蘭之思啟
薩婆若之光明還多伽梢之本智抹大地蜚羅口相游
無上彌沙塞宮擺脫筌提收納撻度如是而已子苕費
居士爲余作圖余本泡影而圖泡圖影則又泡中泡影
中影也泡云云云云者易息影螫螫螫者易滅而條

有瞻荀杜嚕須曼那諸華出東東盼盼田田錢錢之變
相或其瞿夷鹿埜林微尼眾女發姁姁睒睒秋秋盪盪
之靄姿吞鉤蹈火於人肉漿中琢象雕師於野狐窟底
揚以七辨非佛辨遞彼四門皆惡門信口開菩薩天人
天生天轉睫翻解脫相離相滅相吞吐琉璃咽珊瑚舌
刻畫金花面珠澤毛槐安瑤芳儂而靚越谿潯女皙而
纖暎姬娃者蠱於娛寵尙衣者障於寃構娥娥以縟川
藻野續變變以錦瑟清琴以是云懺懺何究竟矧由眷
而懺懺而狎而昵而翫想而蹈行而未已也而緣以筆
而飾以辭以玉啼怨以蕙心懽以攬湘鬢者愁以授春

心者歟其猶曰抒騷士懷述風人旨與或且曰絕世宋
容華安知非雙麋等折頰敦洽女詎必妹閑都流以悟
解迷迷不終悟懺又奚爲繫彼涎目鑄肝嫉涇投淖藍
秀才闕尙書齋唱相思紅杏詞姚公子過小姑祠製婉
嬋青溪曲索步非煙之命願誅鷓鴣秋寬效王疑雨之
嘖甘飽蜣螂遺糞造牡丹亭以殺三婦湯臨川墮永世
泥犁演會真記以誣元禎李溫陵遭晚年奇禍蒙自恕
焉幸違其轍然而釋擗標以幼眇耽燕媚於嬋嫣江柳
紆永叔之懷梅花寄廣平之思洛靈不繫佩而受褻於
陳思巫神不薦枕而遭讒於宋玉蝶飲馨而醉罵戀碧

而悽觸緒成文奚復能免夫惟破鐙王禮免苑踐寶璽
飯喜園解塵縛侶以覲津梁歆功德水而前垢穢庶乎
六入不入三明盡明縱子茗結想妖都挾筆獐奧招聯
媚身以十二搜諺嬌態於大千睇之顰之顰之媚之跋
擲之煙思揉霞氣而出婉者琬者藻者彫者趾豸者靈
衿挾英眄以流然或以替娛樂度人有住之雲情半是
妙鬢瓔珞現女人身說灑橫陳之蠟味無非灌頂醍醐
坐爛百个團蒲蒲上生蓮華香面破九年石壁壁中有
美人影其瞿曇氏打誑語而馬鳴生益增罪過耶夫餓
鬼三十六種隸名廿一者可憐愛天三十三重廁身百

千女無嫉摩鄧咒阿難阿難曰此愚癡箭膿血包煩惱
城夜叉域也豈其然與弊嬈試目連目連云是蠶蠶毒
蝨蝮噴鵠雀嗜豺狼騁也是亦過矣究之搏八十有四
態何如聽鹿牛彈琴充一十二那由他未及向夜摩執
手臂已且樹九孔孔孔不淨列維亂苑七市市市皆塵
振至上驚臺音不能駐我五衰相敷最下驢喉叫亦難
破彼十習因故相牽而云云正不如乎已已顧或者曰
據立世阿毗曇語不癡男瞻女羨之權讀自誓三昧經
言亦宏色強欲微之界比耶婆以樂沁樂如綫之穿珠
聞喜女感緣貼緣任絲之附藕拈如影諸香妙林爲名

字守頭華腋汗衣膩爲寢興邪親癡親見親疑親以至
於身邊戒爲親視樂看樂抱樂觸樂而極諸出不淨爲
樂帝釋居上宮計姝女者以億如來佗太子位夫人者
有三旣不以嫉心鬪諍相間亦自假歛倉冠纓生悅而
且頗黎磲磈珊瑚摩尼駿犖其楹階不尙乎龜銜雞駭
金輪紺馬神珠寶象赭堊其儀節何取乎雲精燭銀以
是言綺始不止燒翡翠烟築菡蘭宅把鞠坐烽臺與燃
鐙照鸚鵡界也蒙方將奏圓對闢勝因唱無緣行不捨
閑迎風館爲齋室拓燕子樓爲戒壇揭紫綃帷爲華旛
安火齊屏爲澹座擊靈芸之壺以當鼓鳴弄玉之簀以

代螺熱賈午香以召神揮紅拂塵以宣白攜婉兒尺以
鎮度牒縣昭儀鐙以燭幽城諧清暘梵音建無遮大會
引迷津上筏拯有覺眾生爲色聲爲香味爲觸法而蘊
以五空曰義信曰理靜曰敬謙而度知六約則石華舞
袖亦是頭陀百衲之衣延露歌聲可當首座三支之唄
然後以七花屏塵想以八解濯芳襟知螺髻之髻不仗
梳青鴛之鴛不棲沼秘之秘密藏離之離垢幢納閻浮
於極樂而福地皆吉祥矣奚其懣爲哉自今以往視以
祛提可也不合十世尊前亦可也一席溫柔鄉以蘇弗
宰利爲嫵屬百年邯鄲夢證佉盧蝨吒爲後身牽馬入

欄逃狸出阱寒山子橫空一帚拂落天花摩帝那推磨
千斤碾灰香絮信此境歸莫須有詎饒舌爲大通人一
切妄纏半指可揭未須棒喝看沙門惠赤腳歸來不信
子言請樊將軍屠刀放下

書仇實父羣姬豔冶圖卷後

夫和煦蒸物化工在微靜麗蠱人柔骨易醉技以巧絕
可洩亭毒之階想因幻奇能變泥犁之局楮墨所著若
尤甚焉實父以畫名天下者三百年在吾目邁於斯其
最境瑣能貫神栩栩欲翔攝摩登於色界天繫阿紫於元
耶翁觀其妝殘酣後態發倦餘簪綠投鷺拈紅打蝶珎

窗溜語輕絲乍飄鏡檻捎眸軟水來蕩蹴嫩蘂而試屣
翦初芍以護鬢羅襦解將洩暗和之蘭氣鞦韆扶上驚
墮璫之玉瞽其嬉春也擲鈿賭藕孽綃裏冰荔支上脣
茉莉纏腕濃睡不醒簾印頰畱香汗亂揮粉點帟漬輕
扇交而雲片搖袖薄衫褪而荷光照肌妬鴛鴦之橫陳
結暎煙杪防翡翠之斜睨避浴柳陰其消夏也梧幕高
張瓜鉦初上素月延帳蘚露膩堦涼怨蛩約發響媚遂
半臂鳳緯側鬢攏弭子夜一聲落葉橫颭曲瓊欲曉河
星漸稀卸領沃飛沈之薰甜味悅龜弛襪疊方錦之褥
窈情委醺其宴秋也無何開偕春進作煖爐會火齊之

屏貼地盤龍之釵碎寒擁貂額平兜相懷滿晶夾雙柱
鋪炭炙脂研冰一絲就日呵黛炭竹憐瘦嚼梅喜清舞
批把以開鐙猩氎闌雪飛蹙鞍以圓社燕拐踢花則又
趁鈎尺之閒以集冬閨之課者與分隸四序備致纖毫
扇眾香之氣以狎冤妍萬花之蕊以瀝液青紅煉彩結
兜率弟一天門八百鐘聲杵秣陵六朝宮夢翻屈靈均
之藍本志豈從荒讀端必瓦之丹經津母誤咽也

復莊駢儷文樞卷七終

復莊駢儷文權卷八

大梅山館集

鎮海姚燮 某伯甫

劉徵君墓碑

道光乙酉乙酉五月二十有六日浙江定海縣劉徵君卒其子大鎬大錫卜葬於邑東鄙之裏蒲灣既葬立石墓表第其行誼屬為文曰旌之曰為後世子孫灋夫人生之譽曰立行而集立行之大曰端本為先梃固而葉自榮實至而名迺歸如景附形算由崇飾徵君諱運坊字左春璞齋先生諱成燦之次子遵祖命繼伯父諱成煥之後伯達弟產用承大宗元鳳同支非由甥附甫成

童卽尻所後母周孺人家周孺人撫之如已出杜元凱
尙少知遵嚴氏之訓羊叔子匪孤蚤依蔡母之膝冠引
繩曰衡正履踐萬而玉方懲改鑿於中春檢括於外从
事書策參合大誼削牘罔傍喻諸丹柰逮游郡庠絕意
仕進效守閭之元讓灋備書之崇僚設塾授經藉供某
水鍾皓之篤行旣樹董道之門徒日多枋臬在弄翕然
師仰先是周母有孤女旣長適同邑陳旋病歿母哀甚
徵士爲擇中表某氏女勸周母養爲繼女曰憫所哀夫
歸於陳逮某女生女甥畱撫母弄曰悅母僉曰爲養志
至惠絕俗晉惟元方善譽親隱今之叔異時本生父臬

生母翁孺人竝在堂間省徃來友弗閒輟知非之季已
踰乎伯玉嬰兒之慕不減乎老萊嘉慶二十有五年

詔天下郡邑舉孝廉方正邑之官紳舉目聞河東襄荆
可之里洵足風勵乎俗故鄣牘文殊之門奚慚聘之爲
暫其所著有誚舫吟艸二卷藏於家姑吐山秀演灌天
倪肫然束廣微之思嗣乎陶元亮之響抑同產昆季四
人翰夕相安克敬克友脂燭无吝孔奮竺於骨肉闔門
咸表李銓化目睦離攷訂族譜修明祀事晰唐杜謩士
之系衍昌平舞陰之宗旄杖倪尹惟愔目敍亦復厲儉
持璞減陳奉先之官薪操廉歆清坐楊季寶之板榻非

馬賓之友出不與交有蔡宗之風嚴以訓子禮讓如許
遜正直如王罷膺陰興之忠平宅卓恕之篤信凡此裏
誠砥節質木曰避魯甘堇緯蕭帽伏曰養惠則又原茲
醕行著爲亮操翊翊咬咬蔑可訾議夫廷讓處難保衛
夫慈躬子璵整衣兢瘳乎屋漏彭城門第實多大賢惟
我徵士庶幾遠紹宗風曰下槩來哲已溯生季爲乾隆
二十有九季甲申七月十有五日曰六十有一歲捐館
舍其世系具家乘不復贅詳過夏侯譙郡之封樵牧知
敬標顧悌吳志之傳林壑友光猷拾英塵昭銘上軌申

曰辭曰

白華英英蕤于庭戶吉暉藹流淑靈堪寫丹日質難大
文昭黜至行之純綜乎綱紀貞乎耿絜結蒞自榮內持
嶽稟外委天形夷而遠焉恬焉而渟令惠孝恭人倫矜
式樹斯表碣用著休燬鏘洋古今允猷不晦

溫州華蓋山雙忠祠碑

耿藩不臣糜沸閩浙接捷三載氛祲始消於是

聖祖仁皇帝進爵表曰褒勛臣

賜諡祭曰卹歿節時若溫州巡道陳忠毅公諱丹赤永
嘉令馬忠勤公諱珥得奉

勅建祠崇祀於溫州府華蓋山者亦當時之尙難臣也

夫天地无不壞之身苟活求生者為妄忠孝有必伸之
氣臨難見屈者為愚故不曰富貴易綱常王皓可授公
孫之皆不因刀砧奪節義龐涓可哭刺史之尸皎皎乎
日月之明凜凜焉風霜之厲也伊靖南泉獵念

恩釋獠逆

命徙藩起議變服稱兵分會養性呂偏師檄祖宏勛為
丙應朝馳南劍夕破東甌赤虹挾彗呂橫飛丹鳥燄風
而四合惟陳公子身受桎絕地張營矢劉仲遠飢捋腰
帶之犀皮垂盡祝伍子胥風轉城樓之螭吻都積賊匪
獨孤修則而欲逞虎威公殊万俟醜奴而竟遭禽虜計

子奇橫刀剔口方驚有齒碎張巡溫次房授劍衝鬢何
畏彼脅降苟宇甯可斷顏杲卿之舌洩不生劉盆子之
心欲爲范希朝之誘沙陀其眞齊萬年不知周處矣於
是仰天慷慨裂眦喑鳴自分力數難爲易瀏陽之救國
焉能忍辱竟忘桓內史之受恩而馬公者樹張悌之賢
名抱傅彤之貞志身草代我良守楚惟韋忠已屬餘生
天旣喪我賢主囂在王捷早拚自殺謂使叔良陷賊尙
何存劉驃騎於人間或如裴寂負君何呂對姜將軍於
地下詎季琯之金可索惜審配之弩無多踝見骨而衣
甘草裹屍而奚悔隨諸葛誕誓歿豈屬私心與陳仲舉

借以真堪含笑於虜招魂歧路淚影杜宇之紅縣曾藁
街血濺蒼宏之碧艸枯彌勁魚爛誰收壯哉公也吁可
傷已宜乎崇歿節之封

賜易名之典梅忠臣之像著祀東陽羊叔子之碑不泯
峴首迄今已百餘載而風飄雨泊丹堊無輝首長林蕪
觀瞻奚肅某年月日郡之賢大夫士聿新饗室備舉明
禋而目同時捍賊从歿之陳公役林莪馬公姪穎姿僕
張亦寶設別龕目附祀焉徐正節沈軀遂志拜井者酌
方峪之泉范忠貞歃刃亡身謁廟者灑孤山之涕彼實
昭忠於兩湖此堪媿媿於千穰鑠金石之精光壯乾坤

之類氣霧巫揄駕神受椒馨下士懷鈇辭慚壅曰試看
百里層江之月照犇鯨駭鯉目俱潛儻向千峰雁宕之
雲服右刃左驂而來下銘曰

璇圖啟運

天憲閎張臬謀不軌釁肆披猖甌城斗口惟越之鄣何
來麟輶喪我忠良晏開備警蓐食无遑存荆力盡四顧
淋浪守土誰責城亾與亾皎如午日凜若秋霜臧洪並
難卓乎射陽惜哉孟起亦受其戕豈無豎醜義蔑仁忘
覲顏而浚易服而蹙惟公志气坦白允亾廉頑立懦振

紀扶綱

九重震悼銘烈旂常毅曰貞著勤曰純彰洞天十八巖
鬱松蒼神霧此宅永衛金湯

陳府君志銘

鄞縣鹵南通遠鄉曰樂善著譽鄉曲者曰陳府君
君之子曰炯釐綜行事屬辭銘諸幽世遺蹇艱習標尚齊
閉門裹足若防蝎譖恐膺虎患无勇義禮惠之事鮮嫻
郇友朋之戚生存歿不如浮游府君居心慈惻任務
伉爽家中訾酌曰輸所宜罄矣無悔曰議敘得州司馬
通判銜非志也諱墨林字文翰乾隆三十三年庚寅生
年六十五而卒葬某山之邇陳仲弓含光醕惠李景昇

卓爾无悶府君有焉雲行而山終止松孤而蔭自遠爰
志其儼目慰所請銘辭曰

捍潦改塘平糴劑亢聿新廟貌祀事孔明建祠睦族序
侶裘繆邨无飢寒巷无鰥歎親親之誼散竺一體或歎
于刪如抱痕痕迺飲目田俾瞻升斗分券畀之二百餘
晦或蠲縹緙酌數目岐約三千貫數百有奇惠愛及幽
孤官牘塞隨事輸將瑣難綜計匪望相報亦匪市名諱
祥是宅緣摯發誠友間嫖節幅利有制用式澆積特乎
而歸惟人聞滅惟行昭章珠玉在櫝不韜其光卓山崇
崇姓江瀾瀾何巷之宮韓韶之里

處士萬君墓碣

武略將軍萬公諱斌者自明初从太祖有功封万户侯
世襲甯波衛指揮僉事戰亡於陳子明威將軍諱鍾襲
職賜第甯波遂籍焉奇忠偉節鴻文碩行代有間人扶
風門第巍然巨望處士遵美君諱後賢一字石君爲弟
十八傳冢子本生父諱裕濟自伯兄太宗無嗣嗣之君
生而識麀鏡事无詘祖塋十二耻講知經應奉讀書不
行一目翦角通五官之技敝辯畫千穰之圖丹鉛藏軸
阜積於几棄取編按手无停時迺通醫學尤精治喉審
渴辨焦求要於監調大寒之膾氣取辨家之蒜齏化肉

鱗之頑蟲乞僧舍之淀汁迺窮易數三兆指掌襲陰易
於天地決貞悔於人我鴻範七叶京房五行罔窒范史
熏之機克參步叔罷之變迺明天文有渾儀之作持宣
夜周髀之體揆一方二軒之用霽恩洛下準其妙差橫
赤耶黃度有升降迺究勅勒禳祓之祕師偉君曰託隱
發趙壽之蠱厭吳猛擲符烏蜚而鼠止萬畢試術血塗
而石化迺析匠若工款之巧織則為區紙木室巨則船
奇肱飛車神機削刷墨翟嘆其无迹易形化幻尹文宗
守衛始迺涉簸扑博簪之戲梟悶目獸夾會目色演李
秀四維之賤注黃帝九毛之篇天一遊亭經守遯甲五

子六柱邇參掄魚於是作小慧集若干卷凡四集貯香
小品若干卷行於世雖務小而志辟足濬鬻而藥鈍蒼
刻名翰綜目八帙所傳貯香館小楷帖也凡戲鴟玉煙
樓岡停雲椎蛻所抒肩差无媿箸述之尤當者萬氏訕
傳一編都二十有一卷始望雲終時敏翫鹿超雋皆非
明絜續騷沈鬱管邨精醕目及褐夫季埜鹵郭玉倉諸
先生之作金摛玉漉具登於簡抒遺書彰祖惠斯云兼
盡君宅性醺正任務昭約履无跛行醉无矯容逸不耽
盤艱不駭遽持平劑竟澌然灑然遇偃仰瞪盼高气揚
趾者儔或突梯滑稽偃促謹讓之輩避若仇讎處目頑

疏其陶陶欵欵互相嫵婉一二貧交而已變於君綦密
每過君君必止信宿辨析敷義反復求是實多資益嘗
勸君爲經世有用之學笑頷之一日偕飲醉君爲慷慨
擊筯論當世務竝田賦水利海防弭盜諸大事指原剔
流上薄晁賈知君之沈鉤致精豪析纖瑣非汎濫於汙
瀆聊寄悅目潛晦處子耿介旣息景於洊縈公子含華
更結志於外區世曠昧昧曷闕其裏汎厥餘技復好瀟
弄閒目抽弭蘇門之歎藉抒其懣南荆之聲遂冠乎俗
紉繹風正出王入韋谿水之漾明沙好花之汎晨色年
二十五喪偶終身誓不娶援華駿之言尙管甯之志不

開腠路豈違本心同產七人友喪无閒綜其生平如是而已
高年不壽遽此凋闕招具雖備曷由嘯呼時變曰
遠游不獲眎斂山易范子空委張劭之書黃門衛君遲
來束哲之弔爰次行誼丹諸尺礪山移川逝俾君无滅
君生嘉慶四季己未三月卒道光十九季己亥三月配
鄭氏子二葬於某鄉云

卹授雲騎尉世職定海鎮標左營千總劉君墓誌銘

韋瀛保戰必先軍舍生所曰就義何無忌死猶握節殺
身不媿成仁持曰衡今厥儔眇焉其黠者類齡石之防
譙悅其奕者等蓋延之怯靡萌危則弊甲而出圍敗則

揚颿而遯險疇甘僚刃力矢孤忠悲我劉君矯乎烈已
君諱朝元字畊雲鎮海縣人也本十八指揮之一分周
定王子之支曾祖諱師祚祖諱寶符父諱從放香山耆
宿齒德人尊都護名家歿鈴世守在晉中山越石間雞
思悽著先鞭衡易子初卧龍願遐居後幄曰故君之生
也宗風遠景勉肆參連雙韉剛挂之礪佩非耀壯九地
官冥之隧鑿必窮源願馬革裹屍身擬赴玉門万里儻
羽林拜爵氣可攝沙苑三軍咸曰名世相期自是將門
之子遺光二季壬午由生捷本省右科第三回鎮海
水師營効力彥雖小將陸司馬目爲干城徹在偏裨羊

太傅資爲藥石越九季己丑制府孫文靖公攷校營技
奇君之材注籍曰千總用卽檄君署定標左營把總勗
曰竊溟僻島惡子憑陵哨雨接風宜勤晒緝君於是發
陶侃右甄之艦突孫恩伏亢之淵領李靖跳盪之軍探
盧循磐身之穴碇牂柯曰鳴蠡角守筌簾曰相統鉞勇
蹈犇漉難忘寢歛迺獲劫寇解縣伏辜旋於十二季壬
辰四月拔補瑞安右營把總並署理左右營千總在任
者八年鍊櫟衝船參三翼之捷衛甲中壘襄六蠶之謀
南海之波皎焉鏡清東甌之城屹如磐固亾何島夷恣
逆明州戒嚴制府伊公檄君來鎮海營監制礮局君迺

畫圖授匠刻日期成歲土揚標鍛鑄忒滓通百步廿四
件之濃參一母十四子之奇旣獻厥功遂邀勛賞於二
十有一季辛丑拔補定標左營千總逾二十有二季壬
寅八月暫王皋二輪之艦駛水如飛率勃野分隊之旗
緹嵯已上轉戰經七晝夜奚長孺竟不歸元左右餘二
百人介朱兆難當後勁殘卒多潰从官半亾鄞鎮兩城
竝爲夷據而君與君弟朝安朝用等率超堯椎藎者蒙
帛佯冠纏刀於肝冒衝挾燕濯之崧陷中周虎洛之深
非孔高士之馬繫亭拊銜盜出同齊將軍之簪在髮攬
帳攜來益於金雞招寶兩山潛匿其凶械暗撤其火車

曰弛逆防也事報參贊大臣文公爲給軍功五品銜用
示獎勵旣而於是年七月委理昌石營都司時屠保
失業寇海攄商白騎出沒於積流綠林鉤連於洎陸君
於老東門境頭諸處獲其首曾阿嫻等寘之極刑抽刃
擲空君竟能取鄭王之級張置布隘盜遂萌殺郝雍之
心二十有三季癸卯駐防石浦守備於十月十有五日
率領兵船赴大目洋獲盜而君遂以身殉矣是日也滄
淳滿天霽月不朏戾橫海蜚濤若巒君則攤鐸拱稽
駕十五丈白虎之舳舻頭露紒控六拍竿黃龍之船方
將同公孫述枋篲擊馮駿於白帝效徐世譜火舫禽任

約於赤亭而毒蠱勢張野豬聲瘞破我骨者九進不能
爲田宏之討鹵平倚吾面者三退不能爲羊侃之拒侯
景於是鹵嚮哭父北面擗君捫髮火焦裂背血赤从王
思政者盡从援張須陁者不來彭樂之腸刀再截而再
出孫觀之踝矢三拔而三穿不待囊沙慘受龍且之溺
可憐輿藁僅還連尹之骸志遂而力殫忠成而鬼殞不
衣哀哉君生年爲乾隆六十年乙卯十一月二十二日
宵穰四十有九當遣聞其事於

朝奉

百目原職定海鎮標左營千總議卹竝

賜祭葬

子雲騎尉世職恤顏涿聚之子未負勞敝鮑濟北之
功允宜追錄名不亾於千禩霧或慟於九京已君之子
至中將葬君于某鄉之原蒲伏請辭用丹元石燮惟與
君衡宇相接總卬論交叟云公瑾知魯東海之奇羌比
林宗識王子師之縈君山立魁岸玉色縝絲駿志軼日
雲霄鳴節樹之孤特演太乙壬奇之暇馮奉世喜讀父
書畫五成七變爲圖李恩訓兼互續事洎乎錄名戲下
領隊行閒引彊冠乎都肆威稜著乎密微憶晉遺光十
有一季辛卯躬率軍校汎濫姑餘駭迭來幢推驅戈

伍胥逐浪誰挽鳴夷白馬之遊三閭沈湘擬續蘭臺大
招之曲而君迺轉干鈞於一髮逃万死目孤生豈五六
丈暴溢焚堤爲五十步沈行楊口目斯勇壯可建奇勛
則今大目洋之役胡未能拒寇堂狼追李越嚮投瀘而
歿而竟等侑身六陌致周子隱按劍而亡於虜軍不銜
斫柵之刀喪我上流昭達天竟叛逆風之燧可憐東下
王琳允宜褒烈佳城署勛貞石孤星太白紫阿沈神虎
之芒一樹冬青碧血灑王羅之芻銘曰

駸駸秀騏振塞海隅晚顏精眊伉健爲軀承家巷誼蓬
矢桑弧右轅簡備効命馳驅麟閣刀鏐拓皋旂幟遐胄

炎霧克繩克墮吸鼻戎師鴻絢疆異統校方船目昭寵
寄草畝稽故制變有經經規緯祿曜日摧靈狼燧襪紫
鯢瀾晚青攝磨審勢拓掌籌形中率未頒部曲撇涕愴
爾通昭傷哉道濟東坑鬼沈天吳狂瀆控鰐而遙望空
誰醲嶢嶢雙表重扇幽巖縣岡窈壑夙意所忤播揚忠
譽副墨匪縑黃腸不蝕終此輝潛

敘蔡生微波閣本事樂府

高樓一角鹵北迢迢孔雀孤飛東南去去恩寵之餌哀
怨之媒也李尚書不斐才畝目徂紫雲贈小杜太師婦
不解諧囑目黃金帶屬鄧州玉一雙儻置之掌中珠百

斛且沈於江底如謂楊蒼撲面已詠官筵生別之悲流
鷺過廬卽斷僧寺遊僊之夢此許繇錢樹子放其宐宵
院之逸身史鳳閉門羹拒伊迷香洞之舊客也然築毬
无伴世容有甘流落之李師師而佛奴尙存次斷无負
平生之張住住微波閣者朱子宵之鴛鴦社張建封之
燕子樓也信青溪无偶目影爲郎任白睂有權尻人作
貨擬其气韵菊有秀兮蘭有芳如彼丰姿旣含睇兮又
宜笑卞敏皎皎是水精屏李香纖纖爲香扇墜畏其厮
波姊妹賣羊棚桑瓦之任歎羞隨香火弟兄鬪耶歛闌
湯爲生活抱瑣子骨雌鄴侯始神僊中人撫落霞琴女

恩語有松石閒意蓋綵旗錦幃頗輕吳下朱雲人面桃花有待博陵崔護也迺福州有小玉帶而龍麟洲賞之晉州有月精花而魏齊万惑之迺汧上桃相嬌梢頭豆蔻遂與之水乳膠漆松柏薦蘿黃姑天孫宵蠶蠟炬不替蕙艸晚不異瓊樹枝郎食猩猩脣妾食鯉魚尾樂何必鞠爲雲苒爲雨怨何有北上堂鹵入階誓之曰在天比翼在地連理之辭溪之目山有扶蘇隰有荷華之謔一日不相見有甚於三稜千金還復來難得者一笑夫才子偶佳人祖鳳皇之獲觀寶也夫傾城悅名士張宏軒之稱玉煙也惟時張二之體悔墮倡家許三之心何

知走卒王巧兒願事陳雲嶠大婦譚意孃允爲張正字
小妻誰知謠詠蜚乘風波頓起曰爲河閒女子頗入浮
屠上官婉兒私營外宅奈何溫太眞不慎求玉鏡臺於
燭月伯坊黎季犛无知索一枝梅於蠡窠巷陌點蒼茶
非合卺酒過街轎豈七香車胡不聞易暎孃植賞心樓
薄少君繫汴瀟產也於是舜投袂絕鄉杜溫柔不必寶
連波新戀易臺已視蘇若蘭如仇寇雖非李十郎別尋
盧女竟棄霍小玉爲路人抑知逢怒者甘受惑於薄言
抱屈者苦矢心於不諒唱一曲樽弄打鴨旺數聲窗外
啼鴉墮絮飛蒼不堪白下門之楊柳殘脂剩粉可憐興

國寺之牡丹飄飄損玉樹之姿灼灼揮錦城之淚萬一
唐生仲友絕跡於嚴蕊之門預愁呼氏文如終誤落賈
人之手惟願薄命人不再生斯世畧怨天壤閒廼有此
王郎有才如馬相如俠如黃衫客者爲之佗撮合山代
長門賦剖疑團一面挽帶結雙頭改盡情之橋佗回心
之院開百苓錦障重招蝴蝶覓歸息半夜狂飆恐使杜
鵑聲瘥蘭膏明而九光鬪沈火熱而一氣凌旺蛩之褥
旋收墮馬之妝重飾今夕何夕劉燕哥罷唱相思言愁
始愁樊通惠淒然攤髻然後篋中棄扇還如縈月長輝
袖底連環不侶玉釵易斷也如是而歆蘇氣湯敷神雞

枕揮墨娥策麕姬慙照宵屏詛與倡蘇剔銀鐙詞者五
年雖鳴珂巷李娃未種汧國夫人之福而玉京道人終
當隨鹿樵生目老矣堅巾四五月之約抵辦三十萬之
錢別時江上正飛雪梅峯重到溪頭已涼風荷芰過太
平坊曲大都皆賣笑連三尋琵琶巷中不復見閉門趙
四遷延者又三載而沈魚竊雁无从求阿輓之書墮寫
邊鈿竝難覓小蘇之物不知張溫卿之賺子野抑大鄭
翰卿之實負朱葵耶嗚呼紫鸞一闕已作廣陵菖蒲有
冠愁其老大或潯陽商婦悔嫁浮梁或邯鄲才人下淪
厮着或效蓬首垢面齊景雲已悟讀佛書或非稚齒雅

容張小三仍不離門戶或青娥過橫水驛因趙嘏而亾
或紅綃入一品家遭崑崙所劫事均不可知所惜魏野
辭存無復添蘇拂拭難說長沙情在到今南望悲啼鸚
鵡去而畫樓空勾藥開而曹夢醒矣蔡生於是仿冒巢
民之例填孔云亭之詞人生行樂白髮奈何情之所鍾
青天爲老胡笳十八拍且咽且鳴箏柱十三幷一聲一
淚怕雲了卻幼玉何言轉轉者當代名姝一詛難易東
東者殘紅墮劫萬古傷心

書葉生叔蘭遺詩卷後

山鬼之辭綺而鬱楚湘纍爲之含悽易水之筑抗而哀

燕太子因而竇涕機萌於至默籟發於自然譬如風過
簫而鳴咽生秋在木而衰颯動有感斯應其謂能遏乎
於虜吾葉生歟矣檢其遺什若摧惻我肺肝揜之不忍
卒讀也惟生清月澤顏堅山鍊骨軀不滿六尺氣可食
牛目養目三季精能辨強年少識天下務咄嗟有用之
才志大與古人期凌鑠當代之子而其爲詛也思醴惟
絮格勁自蒼媚焉如曹林之葩幽之若穠壑之澗約其
規旨可薄應鐺範曰樞枋夫驂韋孟然而中含隱懣時
激變音穠空振鶚凌厲遏雲晚砌宅蛩啾唧絮雨顧景
生慨侶未歸之勞人委情欲靡等默處之怨婦吾嘗慕

其僕悵導目鯀平而石久屯於篋輪難改夫轍其故何
也夫曰生稟穎達之姿處華腴之族不煩謀生曰鷺志
罔須操業曰勛體嚮使重身如玉惜陰如金究天人之
策望可濟江都之董生著子虛之賤名詎讓茂陵之司
馬然生也嬰歲失靄槽之庇綺季邁行雁之傷斫地扞
哀負天矢罪因而賤黃金爲苴土委白日於沈冥具體
丕短而文通亂惠覽方九僊而子淵積慘抱王仲宣之
弱體而構劉孝標之內釁故長沙佗服鳥早識其不祥
昇之吟丕悲夫奚能永壽也於虓蒲柳之質未秋而先
霈星月之輝不曙而旋滅所慮遺文徵失陳孔璋无暝

日之期幸聞手澤能藏王茂宏有讀書之子

潘星齋藤巷館填詞圖題辭

蘋花晚絳黛女官韶研水有香不偕殘麝樹煙无障時
闕於辛夷於跗丁香百結短豪造綺又華自文曼腸
繚絲獸璽成恨玉臺錦帶哀伶祕枕丁娘子夜嗟爲濫
觴古韵匿懷麗想絕世夫目納蘭楊枝珮乎感稷迦陵
桐巷淒其怨夕美人未來誰摘梳子明月欲曙乍聞烏
啼辭若與悲惻難終隱星齋鶴鵲嫋嫋度犀露澣心玉堂
窈年瓊簫長樂撻雲雕絮波影流燈背燭邀夢瑤語狂
空低鬟擘牋偶汗粉澤迴袖移瑟時觸釧聲葢蕙吐茹

風月供養於時蚪柯揚赭鳳翮翦青牖桃妬色鄰燕忘
去若曳霞毳輕綃一重能媚雨情斷虹半帶折傷苔石
屨痕印弓挿宜膽鉗鏡影招蝶因之衿帶容裔縹緗摩
挹咀嚙羽聲薰盥百蘇桂旄天際翩何珊珊湘江意中
瀝之渺渺微步其下游絲罥裊仰晉若會龜網絡檐秦
七不還黃九云逝諷厥妍詞匙所儔已相期置酒招我
按遂鬲指可譜焚尾漫詞宋宋畫陰去日曾到濛濛綠
隙今宵又歸埭言圖左目申遂約

邢湖觀秋荷記

甲辰秋初舟過魚臺邢莊官湖千頃荷方盛開沿洄其

閒望與思遠高日平照葉背皆白遠樹交合蒼氣轉碧
水角一蔬梢疑伫人澗末斷菰涼可招雨鮮的有露墮
蟬自斟落瓣如艇孤翠來立玉遂能按惜無女郎明月
可憐但照淒夜替者江南采綠鬪湖開紅鸞嬈銓船鳳
子簫局衫上雲膩扇底風香橫波渡蘼落日送燕美人
采采青山依依一自后帶遠游桃葉大去畫城煙水難
覓墜懽茲已閒時偶緣宿情遙寄殘英猶縹緲風不忍飲
斜澣稍空蘋與之補芳靜逾媚影亂盞多欲寫新詞聊
對佳醞迴楫景逝倚舷眼穿天晶川平渺渺而已

葉仲蘭文學誄

維道先十有九季己亥十二月十有八日慈谿文學生
葉君仲蘭卒年三十有六歲其友人姚燮遠之京不獲
詢疾視含殮負我仲蘭矣嗚呼哀哉繫君春霞陵標沈
乎楚縣之胄鼃采宅神茂矣石林之宗世閭句章特生
名儁刑部公諱煒者著有鶴麓山房詵工長卿之五言
捷子良之四韵君其仲子也君名元堦一字心冰君之
大母恍惚見玉孩入君母袖遂產君鈴自天墜知任昉
爲姝兒燕呂夢授識張說爲英物抱提授字總卯習吟
惟王敬倫綽有父風信蘇叔黨克承家學富擬選典眾
氏具綜窮日探抽務期宣達嘗讀晉書比例其事爲樂

府數百篇音誼剖於令升經緯繹於榮緒揭唐太宗之
四論參東廣微之十志使子狼孫虎生猶汗泚入王五
胡歿受心誅又嘗闢老子諸家之注分條正之會歸於
吾儒孔子之言指元牝爲中辨大道无盜喻心齊於芻
狗投天命於嬰兒禦寇則叱云罪人關尹則麾諸門外
而偕乎未竟其業也其所存者僅邈詛赤堇集數百言
不啗緒於古不繩約於今恃性尙深穀情謝逖豪振雷
門之鼓發有天聲哀抽寡女之絲惻於夜泣著此闕文
已无慚營匠矣君頤顙山立清骨玉臙有大小阮之風
結宅林下隸東鹵眷之族不御綃衣吮液鬪華夷灑乎

塵裊崇褻逸氣操守乎始形信其韵宇之輝歛之檢押
者君有別業在郡城月湖之東曰枕湖吟舍麝粉拭而
縑拓檐竹裊而絲深返六邑士之能詆者結吟社月日
三集眾詩既成君則題拂糾彈悉中數竅劉四張五洵
同朋之无嫌臧甬海獲夫習聞而解諷凡挾蕚來遊甬
者莫不託君爲孟嘗而依君爲徐孺焉故又輟流腐諸
君詩爲海內心存集若干卷其未識君者亦曰簡札徃
來遙通聞問英靈裊著於河朔翰翼嘗戢於中州雨浙
三吳不脛名走抑君寥朗其外忿愾其中或復舞劍片
時納風入袖斟酒百罍揮月過庭有疑君爲狂者羅列

充妓號召博徒攤百戲於尺瓊椒千金於寸燭有疑君
爲蕩者維時竊歛濫巾與誦者旣集賈嘗之讎殫物窮
寵旁疑者復生流遯之愬然君結忻防溢旬脩有恆孳
孳者彫飾其躬翹翹者束脩其志夫豈靜之爲筋驚肉
緩動之爲感分遯身者巫咸之呼靈脩之慕始未可語
人也君伯兄平生目孝廉官部郎其視君猶長文之於
孝先需連之於惠連也而疾歿於京邸君哭之慟由是
孫愁彌糾衣帶日弛假放悲爲達蠹貞勁之姿且旺其
畊夫息耒桑婦不機安能爲仲任蔽源子長闡惑遂令
日月奄逐軀殼凶守神憫而忤徃疾隱而潔乘棠陰冈

聞逝川无待山阿遺蛻天地辭恩旣黜伯遣之兒夫乏
中郎之女嗚呼哀哉變之與君銘車笠於弱冠同研席
者十季范未寒而暄之衣黔婁餓而均之會鐸不我妻
俾簡子媿過能從世長不學賴樂廣舉言曰進潘岳之
云心照劉峻之論跡忘君惟有焉憶昨天風戒寒江橈
待發高樓杯酒苦夏漏之不長出門判襜尙回頭之頻
顧相期東篋共匿深山詎料斯言竟成千古金鉞塵拚
瓊林霜摧君覓九升吾哀七聚鍾期逝矣忍復鼓高山
之琴張劭歸時儻及執鹵門之紼用抒悃邑待銘旌幡
其辭曰

天門洞霧蜺兮爛昭眇不可晰矧云夢要囑宜曼壽敢
云質彫暝曠曠若息若消嗚呼哀哉惟我仲蘭研文
尙覈智慚挈餅遺羞尋篋濬內境通和外燿闢胡書未
成而歿相迫嗚呼哀哉惟我仲蘭立行善閑弗履岷嶮
弗墮井簪尙游近俠弗沈弗燁胡志未遂而歿爲患嗚
呼哀哉仲蘭不歿力堪古抗樹幟一城掃因提創臚掌
管荀衡睂諒向鸞采影兮今復曷望嗚呼哀哉仲蘭不
歿身堪世資金光珖諒瑋飾上儀入隱弼介出榮翊熙
驥足踈兮今且曷期嗚呼哀哉詠嫉搃躬霜之棄卉瀏
栗鏢心火之授水滅韵瑟歌放形緇纒微我仲蘭胡能

不歿嗚呼哀哉晉別仲蘭南河之涯疏林山慘高城日
斜送我行颺目沈去鵷恍如生也而謂歿耶嗚呼哀哉
驚訃遙傳潛覓難指百念倜傥氣殯神萎交十六季鬲
三千里終予之生不相見矣嗚呼哀哉

朱仲潔孝廉誄

朱君仲潔自道光二十年庚子二月二十三日卒於家
嗚呼松何怨乎颺而摧其枝鳳何讎乎鍛而傷其翮太
子氣逆詎因樂耽柳莊疾棘祭者輟禮神明倬幽終此
靜寐不夫哀哉是年四月禮闈榜發余復被黜短羽茸
振網篋待歸而友人陳君香鄰書來聞曰君訃既遭薛

居正之不第復痛王子敬之遽亾生者崔隕逝者一徃
虞淵嘿而不鳴沙天黷其改色客歲之苒道經吳門訪
君於墨池園君方患喉痺聞余至掄裘扶掖而出絮屑
舊裘證攷近業雋味洽茗恬息裏香恐使君勞未畱盡
晷時黃葉過窗書帙風卷庭樹之下凍雞唼莎荒率之
象若寫君臞峙蹢挽衣戀戀吾別君則曰子行及都爲
我問訊諸故人吾疾稍瘥夫將束裝就道二月之杪當
覲我於宣茆門之邸行與子攬結朋輩浣涕塵滓繫馬
蘆溝之柳對涵江亭之山會有期也嗚呼邵有道之車
未來王仲祖之身長頌河水晨咽海雲夕悽壁毀柯摧

頓令縣懷思弄言之猶在心搖兀而尊持不次哀哉君
名綬字仲環一字酉生仲潔其晚號也遊心索邱約體
繩墨邴原是眞君子郗詵爲名老廉公卿下交恆虛左
席文章成構爭相鈔胥於天下事洞澈本原尻一室中
靜若處女嵇康曰奉時恭默東方朔曰脩學不怠君其
有焉然而中郎不遇匿有悁悁之感茂先勵志未抒洸
洸之才致歿有由始積之惟漸歟君无子子其兄之子
諱人无後天遣奚論抑希風之流冈不愁遺書棧失重
爲歿者亟也嗚呼陶彭澤之顯晦猶繫乎身謝東山之
存亡實關乎運不夫哀哉因遙奠曰誄之曰

卓卓琪裊裊蜚黃大江南北歸乎霧光品樹悻悻行
懲獲譴緹辭必衷建議无惡銀蟾流晶重翳乍開歛光
朗夕靜者徘徊溯胄發源為賢人裔朱弁古音羣響可
弊天既誕之胡不嫺之嶧山劣青孤桐幹之天迺澤之
夫復戕之厥遇雖屯名實昌之茶口半生長夜終古蘅
湘舊騷蓉城新主金石摧毀精靈與磨二三君友相對
滂沱百季有涯万事皆空誰定鳴文目存血縷

陳處士誄

陳君香鄉名佐鈞一字桂軒長洲人也靈姿玉頤藐盼
煙達脩禪其外虛恬其中性耆友朋竺學其誼未遂信

眉之志常哀惠生之心六鑿惻勞目咯血歾嗚呼年未
及壯度朔與鄰高天日長而君夢何短九地无垠而君
竟曷極哀哉余客吳門君曰兄事余日必過從事必分
任屈乎庚子宵始余將入都過君君冒大風雪送余舟
達梁谿岸更維纜作三日畱晨沽市樓之酒夜翦江蓬
之燭勸飲眎眠百數欵曲悽咽敘別若不勝喪伯梁谿
語別圖紀事余爲敘之不踰季而君歾穉雲楊君謂君
病坐歾但言恨不見我聞斯語吾能不哭哉嗚呼黔羸
目閉巫陽口暗念我佳人帳不知所山陽之遽聞者淚
焉湘水之蘭茝其枯矣生不如雷之於陳歾徒爲謝之

於衛吾負香鄰矣哀哉皈命清府潛幽券臺誅目達情
儻來靈鑒誅之辭曰

謂天无情曷鍾其靈謂天有情曷妖其生淑脩之絜崇
蘭宅馨蔚儀惟澤宵滴照激立池不涸軋茁始萌太猷
充抱昨韶飫譔閤藻研質璧帶束銘羽陵爲蠹奚止識
誕詎識於鵬刃曰自刑詎中於蠶繩曰自紆淒困玉沈
危巘石傾造化不寤敝諸閔冥嗚呼痛哉昔交弟始於
吳中市干將之坊要離之里俠腸畸人真性孺子合則
肺附睽則齟抵破櫓酒香拂襪同起摩隼在霄拔刀而
睨万瘳實空大河飄駛心負氣凋我悲蓬止而弟振之

發我積靡而弟直之申我骸骸任人牙牙坦白无詭曰
月儻茲六字可毀而何先我長溝壑嗚呼痛哉扁舟
載襍我暱我从勞面虐雪淖骨饕風弟甘忍之目爲樂
同雖暘所煦匙此悅融倏啾而蜚倏唳而鳴倏采而重
爛乎彤彤倏摠而雲墮乎懔懔匪我於弟曷諒弟衷樸
然燭紅醺醺瀉空占无矚鬼下有蟄龍四山一白明月
挂穹宋夜雨影寸心百春畫城濛濛胡然曉鐘柳不可
折解珮結臂此情恆轉欒投習蒙嗚呼痛哉自茲而還
吾歆可輟吾劍可擲吾琴可裂弟有老母啜哺而泣弟
有孱妻哀慘而血弟有穉兒強抱而經弟迺不思而泣

而絕而剝於堊而蠟於穴誰爲子朋而不號咽矧我與
弟在屑若舌在磁若鐵在樞若楔上星芒滅下壑流竭
使我復來不子而子巫咸魑魍王孫捐玳太虛窅淪陵
窮腑齧磔神喪精在吾鉤鉏引目蒼鸞蔽目桃茆盟目
拒薰焚目椒烈珧華未遐來駐旄節嗚呼痛哉

祭錢參軍文

嗚呼糾齋生有在而不矜授蟻力於鼠耗詎輟心之有
車不五十而旣耄何所恃乎彼天旺少勇而馳驚夸父
追日日沈其晉觸而山側畚砢硤而纍邱張問哆其難
奧抒徃惘於悲忱怛瘳心目增悼夙結軫於薊門陂鼓

槃目褻好陵君氣曰雲螭發吾穎兮囊豹闔闢峻而仰
吁人海深而潛蹈朝變子兮露臺夕擣蒲兮風害同歛
蠱兮不知辱顏手曰戰炮煬黃金而成灰擲大曦於窮
筓口將閉入乎吾箝屢忽沈乎女淖旋返駕乎姑蘇懲
屢傾目一操闢空同之銀礦守句扁之丹竈合幽契於
綽廉惡隕名於跣盜準圭臬目占供均餽酒而下勞崑
碧灑而瘴收河綱挈而川導正衡勢目酌權奚琴蠹而
枯膠我躑躅兮其閒激熹心爲狂趨將擴楫目閱基信
曩耳之匪剽引夔拊目節宮拍洪厓目娛嘯胡劫我目
氛等積薪之原燎塞長江之樓船樹城闕之大纛憤

後讎之洩謀哀羣傷於弓礮時隸君於先衝命姦受乎
蠅弔羌知警而蔽卑師龍鈴已握要慨蹕夙之罔傷悵
肉食者多殣投溟滓已結廬刷長竿已坐釣揚子真之
清暉援仲連爲同調挫俠志已葆恬泯六鑿之情竅期
駘宕乎夷敷曷精蹇而神蹕體方宅乎倏倏儀條弛乎
焦焦井綬斷兮石沈蘭柁折而颿掉哀英偉之汨淪赴
遮須之檄召嗟伯道之未兒孰縵麻已爲孝凍月慘其
鳴墮闔風聒乎援叫洵余褻而若渠呼眞宰而草覺撻
繁旌已覩覓設清醕而臨醺願弗蜩而弗虺妥樹壟而
永兆

題後

餘姚周白山雙庚曰復莊師刻駢體文初編成白伏而讀之精氣昂力塢筆麗藻不隨時薦椒苓漢魏呂來邈尔寡儔已謹綴二百八十四言仿佛之

肅肅穆穆古尊簋觚壘彘鼎鐫辛癸鐵鏞寸昂神劍紫文之質樸差可擬大山溪篁宅幽鬼寒松屹立清澗底虎趺斗大霽漫咫尺黑月摩巘久齒齒文之巉削無迺尔泠泠玉琴江景翠蒼當已墀酒鱗細碧雲流閣美人醉雄奇一變而姍媚茶香墨盎胄易吟空林黃葉言穠心宋寥竹谷希足音時出高澹怡天衿有時玉帛大蘇會

卓霓旌兮展羽蓋九赧匪旂星李旆交龍日月坤軸泰
火珠錕丹襍筒貝光五色十炫震兌瓊瑤翠笙璫巨帶
芝艸璇英縈碧柰大儵神漿吐醴醕聲天之啞出地籟
空世所有作藻纘一百二十鳳皇鬬三十六万金僊蛻
語噪耀兮公實最雄雄洪鐘殷天撻塊礫北嶽栢東江
關邕銅啤遂鍊腔左右欲摩神語嘘火雷寸磔渴竦杠
曜睽四畫蚩尤幢赤標檄射河目魄黑蚪血尾犇急瀧
伏蠡梭梭織石函罔雨絕脰支祈降歎靄怪兮公無雙